



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1649**

Cap. VI. Regnum Danicum.

**urn:nbn:de:hbz:466:1-13167**

*Duché de Curland.* { Godlinga: *Godlingen*, vbi aliquando commoratur Dux Curlandiæ, creditur primaria Ducatus ad Fl. *Vindouu*.

SEMI-GALLIA { MITAVIA: *Mitauu*, aut *Mitouu*, vbi ferè degit Dux Curlandiæ in loco irriguo condita.

*Semi-gallen.* { Solemburgum: *Solembourg*, arx & præfectura.  
Doblinum: *Doblen*, castrum perelegans.

C A P V T V I I.

*Regnum Danicum.*

**F**X duobus regnis conflatum est Danico & Noruegico, quæ quando firmius coaluerint supra docuimus. Cùm ergo sub Christiano primo Sueci defecissent, & in rebellionis communionem Noruegi venissent, postea pollicitationibus huius Christiani hi reuocati sunt, & exinde in fide perstiterunt, atque eorum ope Rex Daniæ vindicauit sibi, aut detexit Insulas, de quibus postmodum in Noruegiâ agemus.

§. I. *Dania in genere, le Dannemark.*

N V M. I. *Nomen.*

NOMEN credunt omnes à Dano primo Danorum Rege deductum, ideóque dictam *Danmarchiam*, quasi *Terram Dani*. Philippus tamen Cluuerius, vt supra in veteri Scandia notauimus, hoc nomen primò deducit à voce *Theuth*, quæ Deum sonat, & postea à Saxonibus *God*, vnde qui antea *Theutoni* dicti Godani, ex quo primâ syllabâ expunctâ Dani dicti sunt. Alij à voce *Daneman*, quæ dictio viros aquosos significat, à voce *Aha*, quæ illis est fluuius.

N V M. 2. *Quantitas.*

QUANTITAS Daniæ non satis commodè proferri potest. Quia multas Insulas complectitur, & continens crebris æstuariis lacinatur, si tamen ex cælo terræ mensura colligi potest, eius *latitudo* Geographica desumitur à gradu 54. ad 57. cum dimidio, ac proin-



de, inclusis maribus, continet 210. mille passus, leucas nostras 105. Germanicas 52. cum dimidia. *Longitudo* verò est graduum ferè decem qui ad magnum circulum reuocati reddunt circiter milliaria 300. leucas nostras 150. Germanicas 75.

N V M. 3. *Qualitas.*

SOLVM hîc depressum & palustre, quare Dania pascuis abundat, campi miræ fertilitatis, & quæ Batauis ferè frumentum omne sufficiat; aër satis purus, vnde omnes ferè Dani ingeniosi.

MERCES. Equi vegeti, ac valentes, butyrum, adeps, boues prægrandes, & pinguiissimi, ligna abiogna ex Sconia ad malos, quibus Bataui, Galli, Hispani carere non possunt.

DIVITIÆ Regis in duobus sitæ sunt, in Sundicis Faucibus, & vectigalibus impositis armento quod ex Daniâ in Germaniam traducitur. Sub initium huius sæculi hæc duo conficiebant 12. librarum Turonensium milliones cum 700. millibus, nunc ad 15. milliones Regis vectigalia dicuntur excreuisse. Centum naues armare, & 30. armatorum millia potest educere.

N V M. 4. *Mores.*

DANI sunt hospitales, & olim pugnaces, nunc eorum virtus nonnihil elanguit, & ad merces & lucra potiùs inclinant. Laboris patientissimæ sunt fæminæ. In conuiuia, & ebrietatem paulò propensiores.

N V M. 5. *Politia.*

REX eorum primus Danus ex Sueciâ oriundus & potitus aliquot Infulis à Iutiis in auxilium euocatus est; is cum hostes retulisset totius Daniæ Rex effectus est. Fuit olim hic status ex Aristocratico temperatus, quare ab optimatibus Christiernus est datus in custodiam, sed hoc iugum excussit sicut & imperij, nisi pro Ducatu Holfatiæ. Olim in totam Europam bella circumferabant, quare dicitur Hibernia ab iis octies debellata, Anglia decies, Scotia, & Saxonia aliquando factæ vectigales, Suecia duodeuiginti præliis attrita, vt hîc de Gallia taceam, quæ inuita coacta est Normannos recipere: nunc autem sese continent limitibus regni sui.



In quinque ordines status ille distribuitur. 1. est familiæ Regiæ: Rex olim eligebatur, sed semper ex eadem familiâ. 2. Nobilitatis ex quâ Senatores assumuntur, & præcipui magistratus, vt Præfectus Aulæ, Marefchallus, Admiralius, Cancellarius, Præfectus ærarij, &c. 3. Episcoporum, & Cleri. 4. Ciuium & Mercatorum, ex quibus vrbium Senatores, Episcopi, Pastores, Scribæ. 5. denique Rusticorum quorum alij liberi coloni dicti *Fribunder*, alij penè serui. Olim in Præfecturas 184. diuidebatur, quas *Hæret* nominabant.

N V M. 6. *Religio.*

OLIM admodum Catholica Dania, sed Lutheri fæces inductæ per Fridericum primum substitutum in locum Christierni, vt Protestantibus sui regni fautores haberet. Ceremoniæ itaque hîc retentæ sunt, & quamquam Calvinistæ huc irreperint, impediunt tamen Ministri, ne hîc quidquam possint.

§. 2. *De Noruegia.*

N V M. 1. *Nomen.*

NOMEN habet à voce *Veg*, quæ viam sonat, quasi via in Septentrionem. Antea Nortmannia nuncupabatur: vt in Scandia diximus, quæ etiam vox viros Septentrionales significat.

N V M. 2. *Quantitas.*

QUANTITAS porrigitur à gradu latitudinis 58. ad 72. ac proinde sic continet 840. milliaria, seu leucas nostras 420. Germanicas 210. Suecicas 140. Longitudinis autem diuersimodè spectatæ 15. gradus assumes, qui sub gradu 60. reddunt 450. milliaria, leucas nostras 225. Suecicas 150.

N V M. 3. *Qualitas.*

REGIO est perfrigida ob montem Sueuonem quem Alpes alij vocant, ventos reperimentem. Frumento caret, eoque tantum vititur importato, ideoque tantis priuilegiis ornata Bergæ.



MERCES. Pisces ficci, butyrum, pelles preciosæ, corium, pix liquida, ligna, & sal hyeme concrefcens potentiùs: ad Bergas fit nobilis illa Pelamidum piscatio.

N V M. 4. *Mores.*

NORVEGI simplices & candidi, viri fortes, plerique Magi, unde hic ventus passim venalis: venatibus plurimum indulgent. Versus Septentrionem ferè in cauernis degunt ob ventos vehementiores.

N V M. 5. *Politia.*

PENDENT à Præfectis, quos iis Rex Daniæ constituit, cui se sponte dederunt. Suprema curia est Asloia *Opsko*, vbi demum lites maioris momenti terminantur. Cæterùm in officio continentur per arces in quibus Præpositi degunt.

N V M. 6. *Religio.*

QUANTA fuerit olim religio Noruegorum arguit Basilica S. Olai Nidrosiæ, cuius pars tantum restat, æde totâ flammis absumptâ. Lutheri nunc sequuntur errores, sed populus à maioribus acceptam religionem retinet, eamque dum appellit ad nostra littora profitetur.

§. 3. *De Islandia.*

N V M E R V S I. *Nomen.*

SIC dicta quasi Regio glacialis per Flokum quemdam Archipiratam; antea vocabatur Snælandia, *pays de Nege*, & *Gadarsholm*, à quodam Gadaro Sueco, qui eam primus detexisse dicitur. Sub finem noni sæculi ab Europæis frequentari cœpta, quando fratres duo Noruegi ad eam confugerunt.

N V M. 2. *Quantitas.*

DIFFICILE est eam statuere, quoniam crebris & magnis



gnis æstuariis lacerata est. Latitudinem habet à 64  $\frac{1}{2}$  ad 68. cum 20. minutis, ac proinde milliarium 190. Longitudinem à 356  $\frac{1}{2}$  ad 11. qui ad maiorem circulum reuocati reddunt 236. milliaria.

N V M. 3. *Qualitas.*

OCTO mensibus hinc frigus perdurat: cum deest iumentis fœnum ea piscibus pascunt, incolæ macrobij & plerique annum 150. attingunt. Hinc multa Balnea.

MERCES, pisces exsiccati, adeps, oleum ex piscibus, butyrum in arcis 40. pedum, sulphur.

N V M. 4. *Mores.*

SVPERBI sunt ob corporis immane robur. Omnes piscationi dediti: Magi hinc plurimi, qui ventos vendunt, & sibilo naues fiunt. Norunt omnes legere, quia à parentibus edocentur.

N V M. 5. *Religio.*

ANNO Christi 1000. conuersi sunt adnitente Olauo Rege Noruegiæ, quando & duo Episcopi creati. Sed sub Christierno III. ad Lutheri sectam vocati sunt, per Ministrum ad eos ab Rege missum.

N V M. 6. *Politia.*

OLIM regebantur ab optimatibus electis, sed demum Oligarchiæ pertæsi Haquino Regi Noruegiæ submiserunt sese. Ad eos regendos in præsentia mittitur Præfectus qui residet in arce *Bastede*. In tres ordines distributa sunt libera capita, in Iudices *Lochmanes*, Nobiles *Bunden*, & Clerum, reliqui seruorum habentur loco.

§. 4. *De Groenlandia.*

N V M. 1. *Nomen.*

Si c dicitur quasi *Terra viridis*, vel per ironiam, vel si compa-

*Parall. Geogr. Tom. II.*

Z



retur cum vicinis. Ab indigenis nominatur *Secanunga*.

N V M. 2. *Quantitas.*

QVANTITAS eius incomperta, pars eius quæ dicitur *Meta incognita* gradum 60. attingit, pars maximè Septentrionalis ultra 70. detecta non est. Nescitur utrum sit continens aut Insula, in præsentia probabilius est continentem esse.

N V M. 3. *Qualitas.*

NVLLA hinc arbor (quidam tamen nuces & quercus agnoscunt) incolæ vtuntur ossibus piscium ingentibus, quæ mare quotidie ad littus euomit.

MERCES. Hinc afferuntur marmora diuersi coloris, pelles, & pisces exsiccati, & cornu piscis quod hætenus Monocerotis cornu creditum est.

N V M. 4. *Mores.*

VICTITANT indigenæ carnibus vsorum, vulpium, leporum & damarum. Item & piscibus & volucris, vitamque similem agunt Canadensibus. Crudis carnibus cum voluptate se ingurgitant.

N V M. 5. *Religio.*

ANNO Christi 1000. eò penetrauit, beneficio Olai Noruegiæ Regis, eoque missus Episcopus. Postea & eò Patres Dominicani transisse dicuntur: de quorum Monasterio in Admirandis.

§. 5. *De Spitsberga.*

NOMEN habet à voce Germanica *Spits* quæ acutum, & *Bergen*, quæ montem significat: sic dicta est ab Henrico *Helmskerck*, qui anno 1596. eam detexit. Sed Angli contendunt ante annos 17. inuentam, dictamque *Neuland*, *nouveau pays*, aut *Greenland*, *Terre verte*: Interim dum inter se disceptant, Rex Danus per Præfectum *Vardhusianum*, hinc sibi vectigalia à piscatoribus exigit.



SITVS. Extenditur à gradu latitudinis  $76\frac{1}{4}$  ad 80. & paulò supra, & iacet inter 25. & 40. Meridianos, vt me Tabulæ Batauorum docent. Continet duas ingentes peninsulas.

MERCES. Hic Phocarum, & Balænarum piscatio nobilis, & variorum monstrorum marinorum. Capiuntur hinc quoque Equi marini, quos alij vaccas, alij elephantes dicunt, quorum adeps magni fit, sed pluris dentes, ebore preciosiores.

§. 6. Diuisio Regni Danici.

DA-	NORD-	ALBINGIA	}	IVTIA	}	Septentrionalis.
				Iutland.		Meridionalis.
				HOLSATIA: <i>Holstein.</i>		
NIA	INSV-	LÆ	}	Sielandia	}	Cum minoribus adiacentibus
				Fionia.		Borhnoimia.
				MINORES		Gotlandia.
				INSVLÆ		Oesilia.
				SCA-		Halladia.
				NIA		Scania.
						Blekingia.
NOR-	VE-	GIAE	}	CON-	}	Bahufiana.
				TI-		Angerhusiana.
				NENS		Bergensis.
						Nidrosiensis.
						Varhusiensis.
REG-	INSV-	LÆ	}	IN-	}	Islandia.
				SV-		Groenlandia, seu Terra viridis.
						Spitberga, seu montium acutorum.

§. 7. Nordalbingia olim Cymbrica Chersonesus & Cartris.

NVM. 1. Iutia Septentrionalis, Norder-Iutland.

DIOECESIS	RIPENSIS	}	RIPA: <i>Ryp</i> , ad Fl. Nipficum <i>Nipsaa</i> , à quo diuiditur
			in tres partes, portus ab vrbe mille passibus distat, prætextus minutis Insulis. In hoc tractu Præfecturæ
			30.
			Z ij



*Euesché de Ryp.* } Coldinga: *Koldingen*, hoc est sylua in colle, statione Christierni III. celebris, vbi pons *Broherit*, vnde & regiunculæ nomen, ex quo multa sibi conficit Danus vestigalia. Vrbi quoque imminet arx *Arnsburgh* Aquilæ burgus à prædicto Principe perfecta.

DI O E C. } ARHVSIVM: *Arhusen*, ad mare sita ciuitas è regione Samsoæ Insulæ.

ARHV- } Randrusium: *Randerfen*, oppidum luculentum ad SIENSIS } Fl. Gudum, *Guden-aa*.

*Euesché d'Arhusen.* } Grimstadium: *Grimstad*, ad Fl. Grimfundam *Grimfund*.

Mariagram: *Mariaker*, ad hanc aut sequentem diocesium pertinet.

DI O E C. } ALBVRGVM: *Aëlburg*, ad sinum Lymicum *Limsfort*, sic dicitur ab Anguillis, quæ hîc plurimæ capiuntur, *Ael* enim Anguilla est.

ALVR- } Venfilia, seu Venfolia, & Vendelboa, olim & Borgla, vnde hæc diocesis dicta est quondam Burglauiensis, seu Borglumienfis: *Vendyffel* minutum oppidum ad Fl. *Ry-aa*.

antea } Thyftadium: *Thyftad*, vbi schola, arx Orumna, & BVRGLA- } cœnobium in fabulis Danicis decantatissimum VIENSIS } ob puellam hîc sepultam.

*Euesché d'Aëlburg.* } Promontorium Scagense, *Scagen*, hanc peninsulam terminat.

DI O E C. } VIBVRGVM: *Vviburg*, iuridica sedes Triumviralis VIBVR- } totius Iutiæ.

GENSIS, E. } Niba } Vrbeculæ quarum equi celebrantur gene- de *Vviburg.* } Scheua } rosissimi, vt & totius huius tractus.

NVM. 2. *Iutia Meridionalis*, seu *Ducatus Slesuicensis*, *Suder-Iutland*, ou Duché de *Slesuik*.

SLESVICVM: *Slesuik*, seu *Schlesuik*, ad sinum, seu Fl. *Sliam Slec*, quondam Cymbricæ metropolis, & dicta *Hedeba*, seu *Hedebui*, à quadam Regina Daniæ *Hetba*, postea & *Scliestorff*: adiacet ei ab Occidente arx *Gottorpia Gottorp*.



Flensburgum: *Flensborg*, vbi portus capacissimus, sic dicitur à Flenone milite forti, quasi Flenonis Burgus, loco peramœno sita ciuitas, & riguo.

Haderflebia: *Haderleben*, portum habet egregium, arx euerfa est, alia in Insulâ vicinâ excitata, vulgò *Hansbourg*, omnino regia atque magnifica.

Huisemum, seu Husenum: *Husem*, ad finem Heuerum *Heuer*, cum arce præclarâ.

Apenroa: *Apenrade*.

Tundera: *Tunder*, in eâ regione quæ Frieslandia minor dicitur, aliàs maris eluuiem passa, nunc ruta molibus iactis.

ALSENA } Insula in quâ arx magnifica Synderburgum *Synder-*  
*Alsen* } *burg*.

NVM. 3. *Holfatia*, l'*Holface*, ou *Holstein*: à *sylvarum multitudine sic dicta*.

DVCATVS } CHILONIVM: *Kiell*, in Isthmo, ita vocata quasi cu-  
HOLSA- } neus, vbi quotannis fiunt nobilitatis Holfaticæ  
T I Æ } Comitia.

Duché } Vilstria: *Vilster*.  
d'*Holstein*. } Rendesburgum: *Rendsborg*, in palude quam facit Fl. Eidera.  
Neomonasterium: *Niemunster*, ad Fl. *Storam Stoer*.

D I T- } Mildorpia: *Meldorp*, ad Fluuiolum *Meldam*, qui  
MARSIA } mox cadit in mare Germanicum, à quo & dicitur.  
Lundenum: *Lunden*, ad initium magni ostij Fl. Eideræ.

*Dithmarsc*, } Heida: *Heiden*, sic dictum oppidum à *Mirica*, inter  
ou *Dith-* } colles sita: tota hæc regio pro libertate diu contra  
*merchen*, } Danos pugnavit, & hic *Dithmarsi* fædè cæsi sunt.  
à *Marfis* }  
*Strabonis*. } Toninga: *Toningen*, in peninsula, seu Prouincia dicta *EIDERIA Eyderstede*, ad Fl. *Eyder*.

STORMA- } HAMBVRGVM: *Hambourg*, ciuitas amplissima, & iam  
RIA, } Reip. caput, de qua in Germania.  
à *Stura*, } Vedela: *Vedel*.  
seu *Stora* } Elmehorna: *Elmenhorne*.



- Fluuium | Crempa: *Kremp*, ad Fl. cognominem qui cadit in  
Sturam.
- Stormarie.* | Bramstedium: *Bramsted*.
- Itzohoa: *Itzehou*, ad Fl. Storam, ubi proceres Hol-  
fatix contra Regem sese fortiter defenderunt.
- LYBECA: *Lubek*, vrbs Imperialis, & Remp. consti-  
tuens ad Fl. Trauam *Trauene*, ubi haurit *Vakeniff*,  
& *Suarde*, varias belli dominorumque experta vi-  
ces: nunc sui iuris nulli urbium Germanicarum de-  
cedit; hinc olim Obotriti populi.
- VAGRIA, | Oldenburgum: *Oldenbourg*, ad lacum, vnde regium-  
culæ nomen.
- feu | Segeberga: *Segeberg*, in loco *Aëlberg*, excitatum mo-  
nasterium cum arce, opus Lotharj secundi, & sta-  
gnum cognomine.
- VAGARIA } | Oldeflouia: *Odeslo*, ad Fl. Trauam.
- la Vagrie.* | Plona: *Plene*, vrbecula inter duos lacus maiorem &  
minorem dictos.
- Neostadium: *Niestat*, ad mare Balthicum.
- Ranzouia arx: *Ranzan*, vnde nobis familia, & viro-  
rum fortissimorum, atque doctissimorum parens,  
& alumna.

§. 8. *Insulæ Danicæ.*

NVM. I. *Sielandia*, *Sieland* & *Seland*, & *Zeeland*: *maxima*  
*Danicarum Insularum, & amantissima.*

HAFNIA: *Coppenhage*, seu *Coppen-hauen*, vrbs planè Regia, & to-  
tius Daniæ metropolis, primùm arx tantùm contra piratas, di-  
cta antè *Kiobmans offen*, portus mercatorum, qui pressi eò con-  
fugiebant. In eâ Rex coronatur, habetque Academiam cele-  
berrimam.

Roschildia: *Roschild*, seu *Roeschil*, vrbs Episcopalis, in qua tumuli  
Regum Danorum, sensim deficit.

Helsingora: *Elzenor*, & ei vicina arx Coronæburgum *Kronenburg*,  
arx inexpugnabilis, in angustiis Sundici freti, seu Oresundici  
*de stroit de Sund*, & hinc penditur Regi vectigal in singulos matos.



Callenburgum : *Kalenbourg*, à Saxone Kalunda dicta.  
 Stagofa : *Slages*, cui adiacet arx vbi mortuus Fridericus II.  
 Ringhstadium : *Ringstede*, in medio Insulæ vrbs peruetusta.

MINORES { AMAGRA : *Amager*, vel Amagria, fœcundissima, Haf-  
 INSVLÆ { niæ adiacens ab Oriente, & eius nutrix.  
 pendent { HVENA : *Vveen*, sic dicta ab Huenellâ Gigante fæ-  
 ex Selan- { minâ, vbi Vranoburgus Tychonis-Brahe, ferè ad  
 dia. { Sundicum fretum.  
 { MONA : *Moen*, vbi vrbs Stega Stegh.

N V M. 2. *Fionia*, Funen, seu Fuinen; à pulchritudine nomen habet,  
*Euripo violento à Iuniâ seiuncta.*

OTTONIA, seu Odense ciuitas magna *Ottensche*, seu *Ottensee*, vbi  
 circa Epiphaniam totius nobilitatis Comitia celebrantur, em-  
 porium celeberrimum.

Neoburgum : *Nyburg*, vbi Prætoria nauis Regis est in anchoris,  
 olim Regis & Curie Danicæ sedes.

Cartemunda : *Cartemunde*, ad sinum cognominem.

Suineburgum : *Suinburg*.

Foburgum : *Foburg*, minoribus Insulis coronatum oppidum.

Bounsonia : *Boens*, ad Boreale latus Insulæ.

Middelfurtum : *Milbar*, seu *Mildelfart*, versus Iutiam.

Rugardia : *Rudgard*, prædium Regis peramcenum.

MINORES { LANGELANDIA : *Langeland*, vbi oppidum Rutcopia  
 INSVLÆ { *Rutkopeng*, ad latus Occidentale Insulæ.  
 pendent à { LALANDIA : *Lalandt*, feracissima frumenti, vrbecula  
 { Mascouia *Maskou*, & in medio Insulæ monaste-  
 FIONIA. { rium olim pulcherrimum Mariobæa.  
 { FALSTRIA : *Falster*, cuius promontorium nautis est  
 { famosum *Gester*, versus Germaniam : oppida &  
 { arces regie duæ *Nikoping*, & *Stubcoping*.  
 { ARIA : *Arr*, amœnissima, vbi arx & oppidulum Ko-  
 { pinga *Koping* ad Boream.



N V M. 3. *Minores Insule.*

- BORINGA seu } Nexoa: *Nex*, ad Orientale latus.  
 BORNHOLMIA } Runda: *Rottum*, ad Occidentale.  
*Bornholm.* } Suanekera: *Suanex*, in Boream.
- GOTLANDIA } VISBIA: *Viksby*, seu *Viskbuy*, sic dicta à piscatione:  
*Gotland.* } Episcopalis est, portum habet percommodum, &  
 munitum duobus propugnaculis ligneis: fuit olim  
 Nautarum schola, hincque leges capiebant.
- OSILIA, } Quatuor millia indigenarum numerat, habetque  
 seu } castrum regio præsidio communitum *Armsburg*:  
 OESILIA } quomodo omnino venerit in ditionem Danicam  
*Oësel.* } diximus in Liuniâ.

§. 9. *Scania, quâ in voce veteris Scandiae omnes vestigium agnoscunt.*

- SCANIA } LVNDIA: *Lunden*, Danicè *Lund*, Archiepiscopalis  
 NIA } vno tantum milliario à mari, antiquissima ciuitas.  
 PRORIA } Corona: *Landscroon*, vrbs luculenta cum arce, nun-  
 } dinis suis celebris ad festum S. Ioannis Baptistæ.  
 } Malmogia: *Ellebogen*, Danis *Malmöë* vrbs munitissi-  
 } ma, nobilis Academia, vbi & Regia Bibliotheca.  
*Schonen.* } Helſingoburgum: *Elſenbourg*, seu *Elzenberg*, ad fre-  
 } rum Sundicum, è regione Helſingeræ *Elſenor*, op-  
 } pidum munitissimum, & suis nundinis celebratissi-  
 } mum.
- HALLANDIA } VARBURGVM: *Vvårsbergen*, propugnaculum con-  
 } tra Suecum; arcem habet, & portum non incom-  
 } modum.
- HALLANDIA } Laholmia: *Laholm*, oppidulum, vel potiùs castrum  
 } ad profundum sinum affixum.  
*Haſland,* } Helmſtadium: *Helmſte*, locus non ita pridem mu-  
 } nitus.  
 olim } Falcoburgum: *Valkembourg*, ad Fluuium cogno-  
 Ducatus. } minem.

BLE-



BLE-  
KIN-  
GIABleicking,  
olim  
Ducatus.

CHRISTIANOPOLIS: *Christianopol*, oppidum munitissimum in limite Gothico.  
 Christenstadium: *Christenstad*, à Christiano IV. conditum.  
 Trelleburgum: *Drelborg*.  
 Vstadium: *Vster*, portus satis tutus.  
 Rottenbya: *Rottenbuy*, versus Gothiam.

## CAPVT VIII.

## Regni Noruegiæ diuisio.

COMPLECTITVR Noruegiæ Regnum Noruegiam, & præterea Insulas quas Rex Danus vt Noruegiæ Dominus sibi vindicauit, aut Præfectorum Noruegorum ope in officio continet.

## §. I. Noruegia, la Noruege, ou Noruegue.

BAHV-  
SIANAPRÆFE-  
CTVRAle Gouver-  
nement de  
Bahus.AGGE-  
RVSIA-  
NAPRÆFE-  
CTVRAle Gouver-  
nement

BAHVSIVM castrum: *Bahus*, malè *Bobus*, ad minutam Insulam quam facit Fluuus Trolhettus, vulgò *Vinder*, qui ex Venero lacu erumpit: hoc excitauit Haquinus IV. cum vt Suecum retardaret, tum vt vicinas vrbes contineret.

Masterlandia: *Masterland*, ad quam fit piscatio Pelamidum nobilis.

Congela: *Congel*, paulò supra Masterlandiam.

VIKIA Prouincia, quæ in Boream fere ad montes vsque porrigitur vulgòque dicitur *V vick-Syden*.

ASLOA: *Anflo*, seu *Opflo*, Gallis *Anfloze*, Episcopalis, ad quam piscis *Makerel* capitur sine sale insuauis, conditus sale suauissimi saporis.

AGGERSVSIA arx: *le fort d' Angerhus*, ou *Angerhuys*, in intimo sinu Anfloensi.

Tonsberga: *Tonsberg*, aliter *Koeningsberg*.

Fridericiburgum: *Fridrichstad*.

Schina: *Scheen*, vbi fodinæ cupri & ferri, immo & argenti detectæ studio Christiani Tertij.

Hammaria maior & minor *Hammer*, 20. leucis in